



Bwletin Rhieni – Trefniadau Dychwelyd

Annwyl Riant/Warcheidwad

Trefniadau dychwelyd ar gyfer 22ain o Fawrth

Mae blynyddoedd 11, 12 a 13 wedi dychwelyd i'r ysgol a braf oedd gweld bron pob un ohonynt nôl ar y safle. Bydd blwyddyn 10 yn medru dychwelyd ar ddydd Llun a gobeithiwn weld pob un ohonynt yn ôl gyda ni. Rhoddwyd llawer o wybodaeth i chi yn y bwletin ar ddiwedd yr wythnos ddiwethaf, mae'r bwletin hon yn adeiladu ar y wybodaeth oedd yn y bwletin diwethaf.

Os oes gennych gwestiynau pellach ar ôl darllen y pecyn gallwch gysylltu gyda'ch arweinydd cynnydd a lles (BI10a11@penweddig.ceredigion.sch.uk), gyda swyddfa'r ysgol ([ymholiadau@penweddig.ceredigion.sch.uk](mailto:yholiadau@penweddig.ceredigion.sch.uk)). Byddaf yn cynnal sesiwn holi ac ateb ar gyfer rieni flwyddyn 10 ar ddydd Gwener rhwng 2 a 3 yp.

Microsoft Teams meeting

Join on your computer or mobile app

[Click here to join the meeting](#)

Dydd Gwener 17/3/21

2.00-3.00

Rhai pwyntiau gweinyddol:

- Bydd profion LFT ar gael i ddisgyblion BI10 ar fore Llun. Os dymunwch gasglu'r profion yn gynharach er mwyn cynnal prawf ar nos Sul gallwch gasglu'r profion o dderbynfa'r ysgol rhwng 9.30 a 12.30 ar ddydd Iau neu ddydd Gwener. Gofynnwn i chi anfon y ffurflen caniatâd nol i'r cyfeiriad sydd arno cgap.
- Wrth dychwelyd i safle ysgol mae'r trefniadau absenoldeb arferol yn dychwelyd. Os mae disgybl yn absennol dylid e-bostio abs@penweddig.ceredigion.sch.uk
- Mae prynu gwisg ysgol, neu unrhyw ddillad, yn her ar hyn o bryd. Cafwyd cadarnhad bod modd archebu a chasglu gwisg ysgol trwy www.alisonjoneschoolwear.co.uk neu 01970 625288

Gobeithiaf fydd y wybodaeth yn y lythyr hwn a'r bwletin ddiwethaf wedi ateb pob cwestiwn.

Dr Rhodri Thomas
(Pennaeth)

Neges i ddisgyblion gan yr arweinydd cynnydd a lles

Annwyl ddisgyblion blwyddyn 10

Rwy'n gobeithio eich bod yn cadw'n iach ac yn ddiogel. Mae hi wedi bod yn gyfnod hir a phryderus oddi ar i ni eich gweld ar safle'r ysgol, ond gallaf eich sicrhau ein bod ac yn edrych ymlaen yn arw i'ch croesawu yn ôl i Benweddig ben bore Llun nesaf, Mawrth y 22ain.

O ystyried y cyfnod hir yma o addysgu gartref a phopeth sydd wedi digwydd, mae'n hollol naturiol i deimlo'n bryderus am ddychwelyd ond rwyf am eich sicrhau ein bod wedi ac y byddwn yn parhau i gadw eich diogelwch a'ch lles chi, ein disgyblion arbennig, yn ganolog ym mhob trefniant a phenderfyniad. Fel ar hyd eich cyfnod ysgol, byddwn yma i'ch cynorthwyo a'ch cefnogi ac i sicrhau eich bod yn cyrraedd eich llawn botensial er gwaetha'r cyfnod digynsail yma.

Gwn eich bod wedi gweithio'n ddiwyd o fewn y cyfyngiadau a'ch cyfleusterau personol yn ystod yr wythnosau diwethaf, yn mynychu gwersi byw, cwblhau tasgau amrywiol a chyflwyno aseiniadau di-ri i'ch athrawon. Rwy'n llwyr ymwybodol hefyd bod rhai ohonoch, ar adegau, wedi ei chael yn anodd dygymod â'r llwyth gwaith, cadw at ddyddiadau cau a gweithio'n annibynnol, a bod hyn wedi effeithio ar eich brwdfrydedd tuag at waith ysgol. Gwn, fel rhiant fy hunan, bod nifer o'ch rhieni hefyd wedi teimlo'r baich o 'addysgu o adref'.

Oherwydd hyn i gyd, bydd rhai ohonoch yn pryderu am ddychwelyd i'r ysgol. Mae'n hanfodol felly fy mod yn pwysleisio mai ein prif ffocws wrth i'r ysgol ail-agor ddydd Llun yw eich lles a'ch iechyd meddwl. Ymysg y trefniadau sydd gennym yw cynnal sesiynau cofrestru estynedig lle bydd cyfle i chi drafod eich pryderon personol ac addysgol a thrafod ffyrdd i'w goresgyn. Mae gennym hefyd dîm o athrawon gofalgaf, mentoriaid priodol a chwmselydd yn barod i'ch cynorthwyo.

Gwn fy mod yn siarad ar ran holl athrawon a staff Ysgol Penweddig wrth ddweud ein bod ni yma i'ch cefnogi yn ystod y dyddiau, yr wythnosau a'r misoedd nesaf. Os oes gennych unrhyw gwestiynau neu bryderon pellach peidiwch oedi cyn cysylltu â mi'n uniongyrchol ar BI10a11@penweddig.ceredigion.sch.uk

Gan edrych ymlaen at eich gweld fore Llun.

Yn gywir iawn,



Beth sydd angen trefnu cyn y dydd cyntaf

- **Gwisg ysgol:** Bydd disgyblion yn gwisgo gwisg ysgol ar gyfer dychwelyd i'r ysgol. Deallwn fod plant yn tyfu, ac nid yw siopau dillad ar agor. Os mae hwn yn achosi problem dylech gysylltu gyda'r arweinydd cynnydd a lles.
- **Gorchudd wyneb addas**
- **Arian ar gyfer bwyd neu becyn bwyd:** Bydd y ffreutur yn agor o ddydd Llun 22ain ymlaen.
- Unrhyw offer sydd wedi ei fenthylg o'r ysgol i'w ddychwelyd.

Beth fydd angen ar gyfer y diwrnodau cyntaf

- Offer / llyfrau ar gyfer **WYTHNOS 1** o'r amserlen. Bydd disgyblion yn dilyn eu hamserlenni arferol, er fod cyfle i gael ychydig mwy o amser gyda'r tiwtor ar ddechrau'r dydd yn y dyddiau cyntaf.

Cyrraedd yr ysgol

Bydd trafniadaeth ysgol yn rhedeg fel arfer ar gyfer disgyblion sy'n gymwys. Byddwn yn ddiolchgar pe bai modd ichi gludo'ch plentyn i'r ysgol er mwyn ceisio cadw'r niferoedd sydd ar y bysiau yn isel. Er mwyn lleihau tagfeydd traffig gyda'r bysiau gofynnwn i chi ollwng eich plant ger maes parcio'r ysgol yn hytrach na syth o flaen yr adeilad.

Trefniadau iechyd a diogelwch

Bydd y trefniadau iechyd a diogelwch blaenorol yn parhau - mae hwn yn cynnwys diheintio dwylo yn rheolaidd, gwirio tymheredd ar ddechrau'r dydd a chadw at barthau penodol o'r ysgol.

Mae profion LFT yn rhan newydd o'r broses. Gall disgyblion sydd yn casglu'r rhain cyn yr 22ain defnyddio'r profion ar nos Sul cyn dychwelyd a bydd disgyblion eraill yn medru derbyn y profion ar ddechrau'r wythnos. Mae llythyron caniatâd ffurfiol wedi cael eu dosbarthu i chi am y profion hyn.

Mae hefyd disgwyl fod disgyblion yn gwisgo mygydau yn yr adeilad **gan gynnwys yn yr ystafell ddosbarth**. Cofiwch fod egwyl rhwng bob gwers ddwbl ac mae'r rhain yn gyfle i fynd allan. Nid oes angen iddynt wisgo mwgwd tu allan i'r adeilad.

Mae'r camau iechyd a diogelwch hyn yn dilyn o'r canllawiau cenedlaethol. Maent yn rhan o asesiad risg sy'n ein galluogi ni fel ysgol gweithredu gyda grwpiau llawn. Heb y disgwyliadau hyn byddai'r ysgol yn gorfod rhedeg gyda grwpiau llai a byddent nhw yn lleihau'r niferoedd byddai'n bosib cynnal yn yr ysgol.

Deallaf fod rhai disgyblion yn poeni am ddychwelyd ac eraill yn edrych ymlaen. Gall disgyblion sy'n pryderu cysylltu gyda'i arweinydd cynnydd a lles a cheisiwn sicrhau bod cefnogaeth mewn lle ar eu cyfer.

Trefniadau ail-agor ysgol:

- Bydd safle'r ysgol yn agor am 8.30yb a bydd gwersi yn gorffen am 3.30yp. Ni fydd unrhyw weithgareddau na digwyddiadau ar safle'r ysgol tu allan i'r oriau hyn a **ni fydd mynediad i'r adeilad cyn 8.30yb nac ar ôl 3.30yp er mwyn sicrhau amser glanhau digonol.**
- **Ni ddylid anfon disgybl sy'n dangos un o'r pedwar symptom COVID (Tymheredd uchel, Peswch parhaol newydd, Colli arogl, Colli blas) i'r ysgol**, a bydd yr ysgol yn gwirio tymheredd unigolion wrth iddynt gyrraedd ac ynysu unigolion sy'n dangos tymheredd uchel nes eich bod yn cyrraedd i'w casglu. Bydd yr un drefn ar gyfer unigolyn sy'n arddangos un o'r symptomau yn ystod y dydd.
- Bydd addysg y disgyblion yn digwydd mewn grwpiau cyswllt – bydd blwyddyn 7, 8 a 9 yn gweithio mewn grwpiau dosbarth ac yn defnyddio un ystafell trwy'r dydd; bydd blwyddyn 10 ac uwch mewn grŵp cyswllt o flwyddyn er mwyn galluogi ni i gynnal pynciau opsiwn.
- Bydd ystafelloedd a manau eraill o amgylch yr ysgol yn cael eu glanhau yn rheolaidd. Bydd ystafelloedd yn cael eu glanhau rhwng gwersi gyda grwpiau gwahanol.
- Bydd manau allanol yn cael eu clustnodi ar gyfer grwpiau penodol, a bydd yr amserlen yn parhau i greu amseroedd egwyl a chinio gwahanol i grwpiau gwahanol. Bydd egwyl rhwng bob wers dwbl a bydd hwn yn rhoi cyfle i ddisgyblion fynd allan a gallant tynnu eu mygydau tu allan.
- Ar gyfer y dydd ysgol **bydd disgyblion yn gwisgo gwisg ysgol**. Ni fydd yr ystafelloedd newid ar gael felly bydd disgyblion yn gwisgo cit ymarfer corff ar ddyddiau maent yn cael gwersi ymarfer corff.
- Ni fydd modd rhannu offer felly mae'n bwysig bod disgyblion yn dod a'r offer angenrheidiol bob dydd.
- **Bydd rhaid i ddisgyblion cario gorchudd wyneb bob dydd** a bydd hwn yn cael ei ddefnyddio ar drafnidiaeth a phob man yn yr adeilad, gan gynnwys ystafelloedd dysgu.
- Byddwn ni'n darparu llawer o gyfleoedd i ddisgyblion diheintio neu olchi eu dwylo yn ystod y dydd a bydd disgwyl iddynt wneud hwn bob tro maent yn dod mewn neu yn gadael yr adeilad.
- Mae polisi ymddygiad yr ysgol wedi ei addasu i adlewyrchu difrifoldeb camymddwyn sy'n medru lledu'r haint.